

بلده واکسین کووید-19 (Novavax) - یک گزینه دیگه

طریقه کار Novavax

مطالعاتی بزرگ د سرتاسر جهان نشان دده که دو دوره Novavax خطر شدید علایم کووید-19 ره کمتر مونه و خطر مریضی شدید و بستری شدو د شفاخانه ره پایین میره.

از Novavax موشه به حیث واکسین ابتدایی کووید-19، د دو دوره، به فاصله هشت هفتگی استفاده شونه.



از Novavax موشه که بلده دورای (تقویتی) سوم و چارم استفاده شونه

کسائی که نمی خوآیین از یک واکسین mRNA (مثل فایزر و مدرنا) بلده دورای (تقویتی) سوم و چارم استفاد کنن، می تنن Novavax ره انتخاب کنن. ای بلده تمام کسائی که 12 ساله یا کلانتر باشه استه.

Novavax بی خطر استه

استفاده Novavax د آسترالیا اجازه دده شده و به طور بی خطر بلده هزارا نفر د گراگرد جهان دده شده.

رقم دیگه واکسینا وری، Novavax هم شاید عوارض جانبی خفیف کوتاه-مدت داشته شه. ای می تنه شامل درد د جگه سیزو، مندگی، سردردی، درد عضلاتی و حس ناجوری شونه. ای عوارضا عادی استن و معمولاً د بین یک یا دو روز خوبتر موشه.

Novavax یکی از تازه ترین واکسینا استه که مردم ره از مریض شدن شدید بخاطر کووید-19 جلوگیری کنه.

Novavax از دیگه واکسینای کووید-19 فرق مونه. ای یک واکسین پروتینی استه. ای رقم دیگه واکسینای کونه مثلاً سیاه سولفه و سیاه زردی، که بلده طفلا د سراسر دنیا دیده موشه، جور موشه.

چره باضی کسا Novavax ره ترجیح میدیه

باضی کسا د باره علم تازه د واکسینای mRNA که توسط فایزر جور موشه (Cominarty گفته موشه) یا توسط مدرنا جور موشه (Spikevax گفته موشه) د تشویش شدن.

دیگه مردما انتخاب مونه که واکسینایی که با استفاده از خط های سلولی قد پیوندهای تاریخی بسیار قدیمی به جنین متولد نه شده جور شده، استفاده نکنن. Novavax با استفاده از ای خط های سلولی جور نه شده.

Novavax قد خود خو اگو ویروس زنده ندره. هیچ کدم از واکسینای کووید-19 مریضی ره در شیمو انتقال دده نمی تینه.



Novavax یک واکسین پروتین دار استه، ای با استفاده از خط های سلولی انسانی جور نه موشه و اگو ویروس زنده قد خو ندره.

PHN جنوب غربی سیدنی

تلفن: 4632 3000 | www.swsphn.com.au | enquiries@swsphn.com.au

Level 2, 1 Bolger Street, Campbelltown NSW | PO Box 90, Macarthur Square NSW 2560



موره د چینلای رسانای اجتماعی مو دنبال کید:

phn
SOUTH WESTERN
SYDNEY

An Australian Government Initiative